

# Ina entrada captivanta en la vita professiunala

Far in emprendissadi tar la Banca Chantunala Grischuna

■ (cp) Cun 80 emprendistas ed emprendists è la Banca Chantunala Grischuna (BCG) la scoladra principala sin il sector da banca en il chantun Grischun. In nov film mussa a moda divertenta las pussaivladads multifaras per emprendists e praticants. La finamira è da preschentar l'emprendissadi tar la BCG e da svegliar l'interess dals giuvenils per ina professiun sin il sector da banca. Las novas plazzas d'emprendissadi per il 2017 èn ussa publicgadas sin [gkb.ch/ausbildung](http://gkb.ch/ausbildung).

En bleras branschas ston las interpresas far ozendi reclama per cuntanscher emprendistas ed emprendists. Il medem mument èn ils giuvenils confruntads cun in'enorma varietad da champs professiunals. En il center da la tscherna da professiun stattan oz tranter auter la variaziun, l'activitad utila, la cundecisiun e la cunresponsabladad ubain l'equiliber tranter la lavur ed il temp liber. La Banca Chantunala Grischuna prenda serius quest svilup e resguarda ils basegns. Sias diversas pussaivladads da scolaziun preschenta ella en il nov video, en il qual l'emprendista *Julia Nutt* e l'emprendist *Luca Capaul* giogan las rollas principalas.

## Ina patruna da lavur attractiva – durant e suenter l'emprendissadi

Var 80 dals passa 1000 collavuradors da la BCG èn emprendists e praticants. Per ils giuvenils che han tranter 16 e 25 onns porscha l'emprendissadi da banca in'entrada captivanta en la vita professiunala. Ina gronda part dals principiants en il mund da lavur absolvan suenter l'emprendissadi in ulteriur onn da lavur. I sa tracta d'ina relaziun da lavur limitada. Persunas che han gist terminà in emprendissadi u in praticum pon rimnar en quel temp experientschas professiunalas preziasas. La mesadad resta fidaivla a lunga vista a la BCG.



In emprendissadi tar la BCG pussibilescha in'entrada ideala en la vita professiunala. MAD

## Scolaziun a la plazza da lavur ed excursiuns – la variaziun è garantida

Durant lur emprendissadi survegnan ils banchiers e las banchieras futuras mintga sis mais in'invista en ina nova partiziun. I vegnan purschidas tut las funcziuns specificas da la banca. Ultra da quels engaschis pratics profiteschan ils giuvens d'ina instrucziun interna. Spezialists intermedieschon competenzas professiunalas e metodicas e coordineschan la scolaziun. Ina variaziun dal mintgadi professiunel bainvisa porschan las excursiuns, ils champs, ils segiurns linguistics a l'exteriur u ils engaschaments ad occurrenz che la BCG sustegna, sco l'Open Air Lumnezia u il Project en favur dal gaud. Ils giuvenils gidan considerablmain a concepir talas occurrenz ed acquistan a moda ludica ulteriuras competenzas.

## Emprendissadi da banca u praticum tar la BCG – in'entrada ideala en il mund professiunel

Per absolventas ed absolvents da la scola secundara è l'emprendissadi da banca l'entrada ideala en il mund professiunel commercial multifar. Spezialists introducreschan las emprendistas ed ils emprendists durant trais onns ed en sis differents partiziuns en il mund captivant dal banking. Per absolvents d'ina scola media sa porscha in praticum sco entrada adattada en la professiun. L'introducziun teoretica e pratica en il mund da banca pussibilescha experientschas variadas e numerusas pussaivladads da svilup. Ulterioras infurmaziuns davart emprendissadis u praticums tar la BCG èn disponibilas qua.

A giuvenils che s'interessan per in emprendissadi tar la BCG porscha la banca pliras giadas l'onn suentermezdis

da fufragnadi en la sedia principala ed en las regions. Las emprendistas ed ils emprendists actuals gidan a concepir ils events e dattan gist sez invistas en il mintgadi da banca. Persunas interessadas vegnan uschia a savair in ad in co che lur futur professiunel pudess vesair ora. Ulterioras infurmaziuns ed annunzia per ils suentermezdis d'infurmaziun.

## S'annunziar ussa per ina plazza per il 2017

A partir da la stad 2017 porscha la Banca Chantunala Grischuna 28 novas plazzas d'emprendissadi per in emprendissadi da banca u per in praticum en differents regions dal chantun. Persunas interessadas pon s'annunziar sin [gkb.ch/ausbildung](http://gkb.ch/ausbildung). Per dumondas stattan las cussegliadras ed ils cussegliaders gudent a disposiziun.